



KETUA SETIAUSAHA  
KEMENTERIAN KESIHATAN MALAYSIA  
Aras 12, Blok E7, Kompleks E,  
Pusat Pentadbiran Kerajaan Persekutuan  
62590 PUTRAJAYA

Tel. : 03-8883 2533  
Faks : 03-8889 5245



Ruj. Kami : KKM.500-8/2/72 Jld.3 (43)  
Tarikh : 16 Mac 2020

## SEPERTI SENARAI EDARAN

YBhg. Datuk/ Dato' Indera/ Dato'/ Tuan/ Puan,

### SURAT PEKELILING KETUA SETIAUSAHA KEMENTERIAN KESIHATAN BILANGAN 2 TAHUN 2020

### BAYARAN ELAUN KHAS KEPADA DOKTOR DAN ANGGOTA KESIHATAN DALAM MENANGANI DAN MEMBENDUNG PENULARAN WABAK COVID-19

#### TUJUAN

1. Surat Pekeliling ini bertujuan untuk menjelaskan pelaksanaan bayaran elaun khas kepada doktor dan anggota kesihatan dalam menangani dan membendung penularan wabak COVID-19 selaras dengan pengumuman Kerajaan menerusi Pakej Rangsangan Ekonomi 2020 pada 27 Februari 2020.

#### TAKRIFAN

2. Bagi maksud Surat Pekeliling ini:

“Doktor” bermaksud Pegawai Perubatan dan Pegawai Perubatan Pakar lantikan tetap dan *contract of service* di Kementerian Kesihatan Malaysia (KKM).

**“Anggota kesihatan”** bermaksud anggota dalam Kumpulan Pengurusan dan Profesional (selain doktor), paramedik dan anggota dalam Kumpulan Pelaksana lantikan tetap dan *contract of service* di KKM.

**“Ketua Jabatan”** bermaksud Ketua Setiausaha Kementerian, Ketua Pengarah Kesihatan Malaysia, Pengarah Kesihatan Negeri, Pengarah/Ketua Institusi dan Pengarah Hospital. Takrifan ini termasuklah mana-mana Pegawai Kesihatan Daerah, Bahagian dan Kawasan serta Ketua Klinik yang diberi kuasa secara bertulis rasmi oleh Ketua Jabatan.

## LATAR BELAKANG

3. Kerajaan menerusi Pakej Rangsangan Ekonomi 2020 bersetuju untuk memberi elaun khas pada kadar RM400.00 sebulan kepada doktor dan kakitangan perubatan lain yang secara langsung terdedah kepada risiko koronavirus. Selain itu, Kerajaan juga bersetuju untuk memberi elaun khas sebanyak RM200.00 sebulan kepada kakitangan lain termasuk Pegawai Imigresen di pintu masuk yang terlibat secara langsung dalam pengurusan dan membendung wabak COVID-19.
4. Sehubungan dengan itu, Surat Pekeliling ini menjelaskan dasar dan mekanisme bayaran elaun ini agar pelaksanaan di KKM teratur dan berkesan.

## PELAKSANAAN

### Pegawai Yang Layak

5. Pegawai yang layak diberikan elaun ini adalah doktor dan anggota kesihatan yang **diarahkan** untuk melaksanakan skop tugas berikut:

- (a) Menganggotai pasukan *Crisis Preparedness And Response Centre* (CPRC) bagi merancang, memantau dan mengkoordinasi pelan tindakan dalam menangani dan membendung wabak COVID-19;
- (b) Melaksanakan aktiviti pengesanan dan saringan awal kesihatan dari semasa ke semasa di pintu-pintu masuk utama negara seperti lapangan terbang, pelabuhan dan di pintu-pintu masuk lain;
- (c) Menganggotai *Rapid Assessment Team* dan *Rapid Response Team* (termasuk pemandu) di peringkat daerah dan Unit Rawatan Ambulatori di hospital untuk melaksanakan penilaian situasi dan pengesanan kontak di lapangan dan/atau membawa individu yang disyaki dan pesakit yang dijangkiti wabak COVID-19 bagi menjalani isolasi dan perawatan pemulihan;
- (d) Melaksanakan aktiviti pengesanan dan saringan kesihatan bagi wabak COVID-19 di pusat saringan dalam kawasan hospital dan klinik kesihatan yang ditetapkan seperti yang diperuntukkan dalam *Guidelines COVID-19 Management in Malaysia*;
- (e) Melaksanakan aktiviti pencegahan dan kawalan infeksi di fasiliti kesihatan dan lapangan seperti melakukan tugas disinfeksi dan menguruskan sisa buangan yang berkaitan dengan wabak COVID-19;
- (f) Melakukan aktiviti pengawasan dan pemerhatian (home surveillance) ke atas individu yang menjalani pemantauan kendiri (self-monitoring) di rumah kediaman atau pusat kuarantin;
- (g) Mengumpul, mengangkut dan/ atau melaksanakan pengujian ke atas sampel yang diperolehi daripada individu yang disyaki atau

- pesakit yang dijangkiti wabak COVID-19 di makmal yang menjalankan ujian pengesahan wabak COVID-19; dan
- (h) Menguruskan kemasukan dan perawatan pemulihan bagi individu yang disyaki atau pesakit yang dijangkiti wabak COVID-19 ke wad isolasi hospital seperti yang ditetapkan dalam *Guidelines COVID-19 Management in Malaysia*.

### **Kadar Elaun**

6. Kadar elaun yang layak dibayar kepada doktor dan anggota kesihatan di KKM adalah sebanyak RM400.00 sebulan.

### **Syarat Pembayaran**

7. Bayaran elaun ini dibuat berdasarkan tuntutan oleh pegawai melalui borang tuntutan seperti di **Lampiran I** yang disahkan oleh Ketua Jabatan.

8. Perkiraan kelayakan bayaran elaun ini adalah seperti berikut:

- (a) Dibayar atas kadar RM400.00 sebulan bagi pegawai yang menjalankan tugas sekurang-kurangnya 15 hari dalam satu (1) bulan kalender; atau
- (b) Dibayar atas kadar RM200.00 sebulan bagi pegawai yang menjalankan tugas kurang daripada 15 hari dalam satu (1) bulan kalender.

9. Kelayakan tuntutan adalah mulai tarikh pegawai memulakan tugas pada atau selepas 1 Februari 2020 sehingga pegawai tidak lagi diarahkan melaksanakan skop tugas tersebut.

10. Tuntutan ini hendaklah dikemukakan **tidak lewat dari 10 haribulan** dalam bulan berikutnya dan **hanya satu tuntutan** yang boleh dibuat dalam satu-satu bulan.

### **Tanggungjawab Ketua Jabatan**

11. Ketua Jabatan bertanggungjawab untuk:

- (a) Memastikan bilangan pegawai yang optimum untuk diarah bertugas dalam usaha menangani dan membendung penularan wabak COVID-19;
- (b) Memastikan doktor dan anggota kesihatan mengambil langkah-langkah pencegahan dan langkah keselamatan dalam tempoh diarah bertugas;
- (c) Membuat semakan dan pengesahan setiap tuntutan elaun berdasarkan borang tuntutan; dan
- (d) Memastikan pembayaran diuruskan dengan cekap dan teratur berdasarkan peruntukan dan peraturan yang berkuat kuasa. Tuntutan bagi bulan Disember tahun semasa boleh diuruskan pada bulan Januari tahun berikutnya.

### **TARIKH KUAT KUASA**

12. Pelaksanaan bayaran elaun ini berkuat kuasa mulai **1 Februari 2020** atau mulai pegawai diarah untuk melaksanakan skop tugas tersebut, mengikut mana-mana yang terkemudian.

## **PEMAKAIAN**

13. Elaun ini diberi secara **one-off** berikutan penularan wabak COVID-19 sahaja dan had tempoh pelaksanaannya adalah tertakluk kepada keputusan Kerajaan. Pemberian elaun ini tidak menghalang untuk doktor dan anggota kesihatan menuntut atau menerima elaun lain yang melayakkan mengikut peraturan yang berkuat kuasa.
14. Surat Pekeliling ini hendaklah dibaca bersekali dengan Pekeliling Perbendaharaan, Arahan Perbendaharaan dan peraturan-peraturan lain yang sedang berkuat kuasa.

## **PERTANYAAN**

15. Pertanyaan mengenai Surat Pekeliling ini boleh dikemukakan kepada:

- |  |   |
|--|---|
| (a) Pelaksanaan<br>Surat<br>Pekeliling | Unit Skim Saraan dan Hubungan Pekerja<br>Bahagian Sumber Manusia<br>Kementerian Kesihatan Malaysia<br>Telefon : 03-8883 2931 / 03-8883 3376 |
| (b) Tatacara<br>Bayaran                | Bahagian Kewangan<br>Kementerian Kesihatan Malaysia<br>Telefon : 03-8883 3066   |
|  | Bahagian Akaun<br>Kementerian Kesihatan Malaysia<br>Telefon : 03-8883 3252  |

Sekian, terima kasih.

**“BERKHIDMAT UNTUK NEGARA”**

  
(DATO' SERI DR. CHEN CHAW MIN)

s.k.:

Ketua Pengarah Kesihatan

Timbalan Ketua Setiausaha (Pengurusan)

Timbalan Ketua Setiausaha (Kewangan)

Timbalan Ketua Pengarah Kesihatan (Perubatan)

Timbalan Ketua Pengarah Kesihatan (Kesihatan Awam)

Timbalan Ketua Pengarah Kesihatan (Penyelidikan dan Sokongan Teknikal)

## **SENARAI EDARAN**

Pengarah Kesihatan Negeri  
Jabatan Kesihatan Negeri Perlis  
Jalan Raja Syed Alwi  
01000 Kangar  
**Perlis**

Pengarah Kesihatan Negeri  
Jabatan Kesihatan Negeri Kedah  
Jalan Kuala Kedah  
05400 Simpang Kuala, Alor Star  
**Kedah**

Pengarah Kesihatan Negeri  
Jabatan Kesihatan Negeri Pulau Pinang  
Tingkat 35 @ 37, KOMTAR  
10590  
**Pulau Pinang**

Pengarah Kesihatan Negeri  
Jabatan Kesihatan Negeri Perak  
Jalan Panglima Gantang Wahab  
30000 Ipoh  
**Perak**

Pengarah Kesihatan Negeri  
Jabatan Kesihatan Negeri Selangor  
Tingkat 9, 10 &11, Wisma Sunwaymas  
Lot 1, Jalan Persiaran Kayangan  
40100 Shah Alam  
**Selangor**

Pengarah Kesihatan Negeri  
Jabatan Kesihatan Negeri, Negeri Sembilan  
Jalan Rasah  
70300 Seremban  
**Negeri Sembilan**

Pengarah Kesihatan Negeri  
Jabatan Kesihatan Negeri Melaka  
Tingkat 3,4 dan 5, Wisma Persekutuan  
Jalan Business City, Bandar MITC  
75450 Ayer Keroh  
**Melaka**

Pengarah Kesihatan Negeri  
Jabatan Kesihatan Negeri Johor  
Tingkat 3 & 4, Blok B, Wisma Persekutuan  
Jalan Air Molek  
80590 Johor Bahru  
**Johor**

Pengarah Kesihatan Negeri  
Jabatan Kesihatan Negeri Pahang  
Jalan IM4, Bandar Indera Mahkota  
25582 Kuantan  
**Pahang**

Pengarah Kesihatan Negeri  
Jabatan Kesihatan Negeri Terengganu  
Tingkat 5, Wisma Persekutuan  
Jalan Sultan Ismail  
20920 Kuala Terengganu  
**Terengganu**

Pengarah Kesihatan Negeri  
Jabatan Kesihatan Negeri Kelantan  
Tingkat 5, Wisma Persekutuan  
Jalan Bayam  
15590 Kota Bharu  
**Kelantan**

Pengarah Kesihatan Negeri  
Jabatan Kesihatan Negeri Sarawak  
Jalan Diplomatik Off Jalan Bako  
93090 Petra Jaya, Kuching  
**Sarawak**

Pengarah Kesihatan Negeri  
Jabatan Kesihatan Negeri Sabah  
Tingkat 3, Rumah Persekutuan  
Jalan Mat Salleh  
88590 Kota Kinabalu  
**Sabah**

Pengarah Kesihatan Negeri  
Jabatan Kesihatan Wilayah Persekutuan Kuala Lumpur  
Jalan Cenderasari  
**50590 Wilayah Persekutuan Kuala Lumpur**

Pengarah Kesihatan Negeri  
Jabatan Kesihatan Wilayah Persekutuan Labuan  
Peti Surat 80832  
**87018 Wilayah Persekutuan Labuan**

Pengarah  
Hospital Kuala Lumpur  
50586 Jalan Pahang  
**Kuala Lumpur**

Pengarah  
Institut Perubatan Respiratori  
50590 Jalan Pahang  
**Kuala Lumpur**

Pengarah  
Pusat Darah Negara  
50400 Jalan Tun Razak  
**Kuala Lumpur**

Pengarah  
Institut Kanser Negara  
No.4 Jalan P7  
62250 Presint 7  
**Putrajaya**

Pengarah  
Kompleks Institut Kesihatan Negara  
Jalan Setia Murni U13/52  
Seksyen U13 Setia Alam  
40170 Shah Alam  
**Selangor**

**BORANG TUNTUTAN ELAUN KHAS COVID-19**  
**(Bulan ..... Tahun .....)**

Fasiliti Kesihatan	
Negeri	

**BAHAGIAN A: MAKLUMAT PEGAWAI**

Nama	
No. Kad Pengenalan	
No. Akaun Bank	
Nama & Cawangan Bank	
Jawatan/Gred	

**BAHAGIAN B: BUTIRAN BAYARAN**

(Sila tandakan (✓) yang mana berkenaan)

- (i)  Bertugas sekurang-kurangnya 15 hari dalam satu (1) bulan kalendar (RM400.00)
- (ii)  Bertugas kurang daripada 15 hari dalam satu (1) bulan kalendar (RM200.00)

**BAHAGIAN C: PERAKUAN PEGAWAI**

Dengan ini saya mengakui bahawa butiran di atas adalah **benar**. Saya juga membenarkan kutipan balik oleh Ketua Jabatan sekiranya terdapat elaun yang terlebih bayar.

.....

(Tandatangan Pegawai)

Tarikh:

**BAHAGIAN D: PENGESAHAN KETUA JABATAN**

Saya dengan ini mengesahkan bahawa pegawai telah diarahkan bertugas dan layak dibayar Elaun Khas COVID-19 berjumlah RM\_\_\_\_\_

.....

(Tandatangan Ketua Jabatan)

Tarikh:

Nama Penuh:

Jawatan: